

Danskit naalagaaffianni innuttaasut il.il. passitaarnerannik inatsisip aamma nunat allamiut pillugit inatsisip allanngortinneqarnerannik inatsisip nr. 613, 14. juni 2011-meersup § 1-iata (passini il.il. pussuit ipaasiorderi) ilaannakortumik Kalaallit Nunaanni atuutilersinnissaanut Namminersorlutik Oqartussat oqaaseqaateqarnissaanik Inatsisartut aalajangiiffigisassaattut siunnersuut

UAGUT MARGRETHE AAPPAAAT, Guutip saammaanneragut Danmarkip Dronningia, nalunaarpugut:

Danskit naalagaaffianni innuttaasut il.il. passitaarnerannik inatsisip ilaata aamma nunat allamiut (passiini il.il. pussuit ipaasiorderi) pillugit inatsisip allanngortinneqarnerannik inatsimmi nr. 613-mi, 14. juni 2011-meersumi § 4, imm. 2 naapertorlugu aalajangersarneqarpoq:

§ 1

Danskit naalagaaffianni innuttaasut il.il. passitaarnerannik inatsimmi, tak. inatsimmik nalunaarut nr. 586, 1. september 1986-imeersoq, § 6-kkut inatsit nr. 386-ikkut 20. maj 1992-imeersukkut, tak. peqqussut nr. 753, 23. august 1994-imeersoq, § 2-kkut inatsit nr. 551-kkut 24. juni 2005- imeersukkut, § 2-kkut inatsit nr. 557-kkut 24. juni 2005-imeersukkut aamma § 6-kkut inatsit nr. 288-kkut 12. maj 1999-ikkut aamma § 2-kkut inatsit nr. 557-kkut 24. juni 2005-imeersukkut, tak. peqqussut nr. 1390, 12. december 2007-imeersoq, allanngortinneqartuni, makku allannguutigitinneqarput:

1. § 4-mi imm. 2-p siornani nutaaq ilanngunneqassaaq:

“Passip atuutilersinneranut akiliut akilerneqassaaq, tak. imm. 2-6. Passip atuutilersinneranut atatillugu pussuit ipaasa qarasaasiamut immiunneqarnerannut akiliut akilerneqassaaq, tak. § 4 b.”

Imm. 1-5 tamatuma kingorna imm. 2-6-nngussaaq.

2. § 4a, imm. 5-imi, oqaaseqatigiinni siullerni “Imm. 1-4” allanngortinneqassaaq “Imm. 1-5”-nngortillugu.

3. § 4 a-p kingorna ilanngunneqassaaq:

“**§ 4 b.** Passip atuutilersinneranut atatillugu pussuit ipaasa qarasaasiamut immiunnerannut 25 kr. akiliutigineqassaaq.

Imm. 2. Imm. 1 malillugu akiliut ukiut tamaasa januaarip aallaqqaataani akit aningaasarsiallu tamanut atuuttut pillugit Aningaasaqarnermut ministereqarfiup akigititaanik iluarsineqartassaaq. Iluarsiissutissaq inatsisinik atortitsinermut ministerip ukiut tamaasa nalunaarutigisarpaa.

§ 2

Peqqussut atuutilersinneqarpoq 1. januar 2012.

Amalienborgimi, ulloq

Kunngiussutsitsinnik Atsiorpugut Naqissusiillutalu

Margrethe R.

/Morten Bødskov